



Գործ թիվ ԵԴ/3457/02/19

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
ՈՐՈՇՈՒՄԸ
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

10.06.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդապարյանս, ուսումնասիրելով վարույթումս գտնվող թիվ ԵԴ/3457/02/19 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 18.02.2019թ. որոշմամբ <<Սփյուռ>> ՍՊԸ-ի հայցադիմումն ընդդեմ պատասխանող <<Ն.Ռ.Վ.Ա.Դ>> ՍՊԸ-ի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանող <<Ն.Ռ.Վ.Ա.Դ>> ՍՊԸ-ին ուղարկված դատավարական փաստաթղթերը հետ է վերադարձվել դատարան <<տեղափոխված>> փոստային մակագրությամբ:

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:


Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝

ՈՐՈՇԵՑԻ

Թիվ ԵԴ/3457/02/19 քաղաքացիական գործն ըստ հայցի <<Սփյուռ>> ՍՊԸ-ի ընդդեմ պատասխանող <<Ն.Ռ.Վ.Ա.Դ>> ՍՊԸ-ի՝ գումարի բռնագանձման պահանջի մասին, քննել պարզեցված վարույթի կարգով և դատական ակտը հրապարակել 2019թ. հուլիսի 24-ին:

Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱՊԱՐՅԱՆ